

00 Ge



36

AD AUSCULTANDAS ORATIONES
VALEDICTORIAS
DE
SPIRITVS SANCTI
PERSONA, BENEFICIIS ET EFFUSI-
ONE SUPER APOSTOLOS,
d. Jun.
ANN O c I O. I O C. LXXIV.
IN SCHOLA CIZENSI
RECITANDAS
EJUSDEM PATRONOS ET FAUTORES
EA, QVA PAR EST, OBSERVANTIA
ET MODESTIA INVITAT
M. JOHANN. Krauß / Re&t.

C I Z Æ,
Typis Joh. Ruperti Reils..

36

בשׁ

Ppetuit iterum per Dei gratiam lætissimum
Pentecostes festum, quo in publicis Christi-
inorum panegyribus doctrina de Spiritu
Santo, ejusq; persona, officio & beneficiis
plurimis ex instituto tradatur, contra he-
terodoxos asseritur; hominesq; ad sanctimoniam vitæ Spir-
iti Santo placentem diligenter excitantur. Sicut verò
in veteri Testamento tria cum primis erant festa solemnia,
1. תְּמִצּוֹת festum azymorum seu paschatis.
2. שְׁבֻעוֹת festum hebdomadum seu Pentecostes.
3. חֲגָכּוֹת festum tabernaculorum, in quibus omnes
Judæi sexūs potioris conuenire, & cultum Deo debitum
præstare debebant: Vid. Laur. Fabricius in partitioni-
bus Codicis Hebræi cap. 25. Joh. Jonstonus in schediasma-
te de festis Hebræorum & Græcorum cap. 3. Geminō mo-
dō & in novo Testamento festa nativitatis & resurre-
tionis Christi, effusionisq; Spiritus S. solemnitate suâ
præceteris festis sunt conspicua, & religiosâ devotione
celebranda. Haut temere verò h̄ic nobis venit in men-
tem tristissimi fati, quod anno 1453. a. d. IV. Kal. Jun.
hoc ipso festo Imperium & urbs Constantinopolitana
experta est, quodq; ipsi non minùs fuit acerbum & luduo-
sum, quam festum Paschatis quondam Gallis Siciliam,
tenantibus. Quemadmodum enim hi ann. 1282. d. 30.
Mart. feria 2. Paschatis, cùm signum campana daretur

ad

ad preces vespertinas, à Siculis insolentiam illorum pertæ-
sis & contra illos unâ mente conspirantibus, ad interne-
cionem omnes occisi sunt, ita ut duarum horarum spatio
otto millia eorum trucidarentur, nullâque etatis & sexus
ratione habitâ ne prægnantibus quidem parceretur: Vid.
Dresserū Isag. histor. millen. 6. in vita Rudolphi Hab-
sburgici p. 382. & Calvisius in Chronol. in vita ejusd.
Unde & vesperæ Siculæ proverbio locum fecerunt: Ita
Græcis Pentecoste anni suprà allegati fuit inauspicatissi-
ma. Etenim Muhammedes II. anno tertio regni, vere
primo, Constantinopolin, contrâ in Europa Asiaque
quadringtonitorum millium exercitu, terra marique ob-
federat. Erant ei sternendis mœnibus tormenta ænea,
prægrandia, quæ globos emitterent librarum 400. in-
ter quæ unum à LXX. boum jugis, & viris bis mille tra-
hebatur. Secuta etiam sunt navigia plura ducentis.
Cùm XL. dies continuos in muros detonuisset, promisit
ei, qui primus per ruinas irrumperet, amplissimam Euro-
pæ provinciam, exercitui verò ditissimæ urbis triduanam
direptionem. Si quis egrius rem gereret, ei capit is pœ-
nam statuit. Indixit simul tridui jejunium, omnes vel
ad moriendum, vel vincendum paratos esse jubens.
Constantino pacem petenti, centena aureorum millia an-
nua imperat, aut salvis opibus incolumem ex urbe disces-
sum. Qvarum conditionum cùm neutra placeret, reno-
vatur oppugnatio. Erant autem in urbe sub initium

præter cives sex millia Græcorum militum, & tria
millia auxiliariorum, Venetorum & Genuensium. Na-
ves etiam paucæ Genuensium, Cretensium & ex Chio,
vix hostium in portu aliquamdiu sustinebant. Simul
ac vero Justinianus Genuensis, qui cum trecentis arma-
tis primum impetum sustinebat, accepto vulnere, qvan-
quam non letali, fugere cœpit, nec à Constantino, ut in sta-
tione maneret, precibus adduci potuit; secuti eum sunt mi-
lites alii; Constantinus ipse, & qui circa eum erant, in fu-
gam versi sternuntur. Portæ obstruuntur cadaveribus, ne
fuga fugibundis pateat. Mascula pubes penè universa oc-
ciditur: virgines & matronæ meliores rapiuntur in servi-
tutem ultra LX. millia. Atque ita Constantinopolis, quæ
inde à Constantino M. Helene filio, usq; ad Constanti-
num Palæologum Helenæ filium (quod utrumque nomen
urbi fatale fuit, de cuiusmodi nominibus vid. Gregorius
Richterus in Axiomatibus Oeconomicis axiom. IV. p. 21.
seqq.) per annos 1120. circiter sedes fuerat Imperii Orien-
talis, in Turcarum potestatem concessit, expugnata feria
3. Pentecostes. Vid. præter autores suprà laudatos Joh.
Cluverus in Epitome histor. in vita Friderici III. & Mu-
hammedis II. Ceterum si promachi religionis Pontificiæ ra-
tionem reddere debeant, cur eo ipso festo, quo Spiritus S.
memoria in Ecclesia recolitur, hanc calamitatem Græcis
Deus imminiserit; eam à perverso dogmate de processione
Spiritus à solo patre, & non à filio, quod Græci mordicus
defen-

defendunt, apertè deducent: Quanquam enim Leo Allatius in libro de consensu Orientalis & Occidentalis Ecclesiæ, ejusque parastata Bartholdus Nibusius, apostata, magno conatu probare ausint, ab incunabulis Christiani nominis ad hæc usq; tempora in dogmatibus fidei inter has duas Ecclesiæ eandem fuisse sententiam, eandem mentem, nec ullo unquam tempore fuisse Ecclesiæ istas disjunctas aut adversas: Robertus tamen Bellarminus T. I. Controv. l. 2. de Christo cap. 21. doctrinam Græcorum de processione Spiritus S., disertis verbis, heresis nomine insimulat; Imò Cornelius Cornelii à Lapide Comment. in cap. II, 1. Adorum scribit: Græci negantes Spiritum s. procedere à patre & filio, cùm de hoc errore sepius ac ultimò in Concilio Florentino à Latinis fuissent reprehensi, perstiterunt tamen in illo. Unde in Concilio Florentino prædixit eis Nicolaus V. Pontifex per literas, fore, ut triennio exacto in Turcarum potestate m veniant &c. Et ne quis dubitaret, eos ob blasphemiam in spiritum s. hâc pœnâ mulcratos, capta est Constantinopolis à Turcis, occisus Constantinus, ultimus Græcorum Imperator, di tertiat Pentecostes a. 1453. Justè Turcis Deum unūconfitentib., & trinum negantib., ideoq; spiritum s. respuentib., traditi sunt Græci, qvi Latini ss. Trinitatem & spiritus s. divinam ex patre & filio processionem confitentibus consentire &

se subdere noluerunt. *Meum non est, de dogmate isto arbitrari, de qvo videndi sunt Principes Theologorum nostrorum Mart. Chemnitius T. I. LL. Theol. loco de Spiritu S. cap. IV. num. V. pag. 94.* & Gerhardus T. I. LL. Th. loco de Spirit. S. cap. IV. Ab his docemur, Græcos antiquiores, quamvis interdum dicerent, Spiritum S. procedere à patre per filium; non negâsse tamen, eundem qvoqve procedere à filio, [qvorum testimonia uideri possunt apud Gerh. l. c. §. 84.] & sic de re ipsa redēsensisse: Græcos autem recentiores uti in aliis pluribus dogmatibus, ita & in hoc perperam docuisse. Neque etiam adyta judiciorum divinorum curiosius rimari fas est: Sufficit adduxisse epicrisin, quam habet Historia Ecclesiastica Gothana lib. 2. cap. 4. sed. 7. §. 10. Ita, inqvires, divina Nemesis pessima Græcorum Imperatorum facta, dissidia, ignaviam, libidines & corruptelam puræ doctrinæ, post longam patientiam ulta est, torpore ceteris Christianis, & ipsi, ut negari nequit, Friderico Imperatori immisso: Pontificibus etiam sua, non qvæ Dei sunt, curantibus. Per qvæ vitia barbari hostis furor auctus est, ut ad pomœria usq; nostra armis ferè semper viætricibus inde progrederetur. Cäendum proinde etiam atqve etiam est nobis, ne nostro, qvod dicitur, jumento similem cladem attrahamus, aut per peccata proæretica Spiritum S. excutiamus: sed potius dili-

diligentissimè cum singulis diebus, tūm hoc præcipue
tempore beneficia spiritūs s. expendenda sunt, isq;
calidis votis rogandus, ne unquam destituisse nos ve-
lit. Tempori præsenti servire quoq; constituerunt
tres ex veteranis & probis scholæ nostræ alumnis; qvi
cūm propediem hinc migraturi sint, primus quidem in
Illustre Gymnasium Weissenfelsense, ubi in numerum
beneficiariorū Reverendiss. & sereniss. Principis Au-
gusti cooptatus est; Reliqui duo in Inclytam Acade-
miam Lipsiensem: Orationibus suis valedictoriis ar-
gumentum temporis congruens elegerunt.

I. igitur ADAMUS JAMPERTUS Mutschens-
sis Misn.

Oratiuncula syriaca (cujus lingvæ, ut & cæterarum
Orientalium singulari amore flagrat) divinum effusio-
nis spiritūs s. super Apostolos beneficium celebrabit.
Eorum deinde, quos faventes sibi expertus est, bene-
volentiam variis Carminibus syriacis, Hebraicis,
Chaldaicis, Græcis, Latinis & Germanicis collaudabit,
omnesq; ex voto valere jubebit.

II. CHRISTOPHORUS Essiger/Kretschwicens.

Misn. de spiritūs s. persona & idiomatibus di-
vinis Græcè orabit.

III. CHRISTOPHORUS Erler / Rasbergā Ci-
zensis spiritūs s. beneficia varia Oratione La-
tinā recensabit.

Eadem

Eâdem verò operâ & ipsi patronis ac nutritiis, pro
beneficiis in se collatis gratias, & Scholæ nostræ ultimum
vale, diversis diversarum lingvarum carminibus, di-
cent. Propemptica recitabunt

Joh. Georgius Zeidler / Cizensis, Carmine Græco.

Carolus Christianus Prebiß / Wurzensis, Carm. La-
tino.

Johann. Pfau / Wuizensis, Carm. Germanico.

Propitium autem Numen exorandum est, ut his bona
ſpei adolescentibus, cum angusta re domi confiduntanti-
bus, benevolos patronos excitare clementer velit, ut
Studiorum telam feliciter ad Dei gloriam & commu-
nis egregii commodum pertexere possint.

Qvod supereft, Vos, Patroni Scholæ nostræ Spe-
ctatissimi, & Fautores honorandi, obſervanter ac offi-
ciosè rogatum venio, ut recitationi harum orationum,
quæ die crastini hora 8. instituetur, haut gravatim ad-
eſſe dignemini. Id adolescentes abituri juxta mecum
in egregii favoris & benevolentiae loco habebunt.
Cizæ a. d. 4. Id. Jun. anno 1674.

Ad hanc r̄q̄. Siq̄.


AB: 155735 (1)



86

V. 3. 12





36

CULTANDAS ORATIONES
ALE DICTORIAS
DE
TVS SANCTI
, BENEFICIIS ET EFFUSI-
SUPER APOSTOLOS,
d. Jun.
O c I o. I o c. L X X I V.
SCHOLA CIZENSI
RECITANDAS
PATRONOS ET FAUTORES
A PAR EST, OBSERVANTIA
MODESTIA INVITAT
JOHANN. Krauß / Re&t.
—

C I Z Æ,
pis Joh. Ruperti Reiss..

36